

Bartusch Francze had [vorsaczt] sien hus, gelegen gein Hanus Noldener obir, vnd alle sine guter, farinde vnd vnfarinde, Hinrich Richils kindir, dem got gnade, nemlich Hanuse, Annan vnd Margaretin 30 mr gr, dy zcuorczinssen also gewonlich ist, uff eyenen wedirkauff, vnd so dy kinder mundig werden vnd ir gelt haben welden, so sal Bartusch Hancze dy 30 schock gr. innewig in eynem jare vßrichten adir mit irem willin halden. Paul Scherensleyffer richter, Niclos Wisinburg vnd Nigkel Ber schepphen. Anno 1436, feria quinta Vigilia Thome. (20. Dez.)

(gelöscht)

Bartusch Francze had vorsaczt sinen hoff, gein Hanus Noldener obir gelegin, vnd alle sine guter, farinde vnd vnfarinde, Gregor, sinem sone, vor achtzig marg gr vor von sinir muter dritteil. Pael Scherensleyffer richter, Niclos Wisinburg vnd Thomis Somirfelt schepphen. Anno 1436, feria quinta Vigilia Thome. (20. Dez.)

(gelöscht)

Burgermeyster vnd rathmannen, nemlich Gregor Schuffeler, Hans Swertfeger, Hans Ber vnd Hinrich Langehempil etc dy czyt ratmannen, habin Petir Schuffeler den hoff in der Richingasse vorkaufft, gelegen by Erasme Vßkewicz hoffe vnd sinen hoffe, vnd habin lossen vßschriben vnd frien, waz geldis dy czyt doruffe in den stadbuchern vorschrebin steit, vnd ab furdir vor desim datum ichtis geltvorschrebunge doruff funden wurde in beyden buchern, das sol man abe thun. Testes Hanus Sebenicz judex, Niclas Wissinburg vnd Nigkel Ber schepphen. Anno etc 1437, feria quinta ante Reminiscere. (21. Febr.)

Burghard Mysner had sien haw(s) in der Brudirgasse und alle sine gutir farinde vnd vnfarinde vorsaczt Andirlin Noldener vnd sien erben 10 mr gr, dy zcuorczinssen als gewonlich ist, uff eyenen wedirkauff. Hanus Sebenicz richter, Nigkel Ber vnd Alex Schedelaw schepphen. Feria quarta post Lucie, anno 1433. (16. Dez.)

(gelöscht)

5b

Bartusch Francze hat vorschrebin sien hoff by den Fleischbengken vnd alle sine guter, farinde vnd unfarinde, Andirlin Noldener vnd sien erben vor 20 mr gr dy zcuorczinssen alß gewonlich ist uff eyenen wedirkauff. Geczuge Hanus Sebenicz richter, Niclos Weysinburg vnd Jone Außkewicz schepphen. Feria tertia post Corporis Christi, anno 1438. (17. Juni)

Barbara Axin hat bekant daz Mat(his) Phol 10 mr vf dem gute zur Keyne Hanus Leheman, ir verschriben, be-